

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U LUKAVCU
Broj: 126-0-Su-26-000038
Lukavac, 27.03.2026. godine

Na osnovu člana 64. stav (1) tačka (b), člana 25., člana 70. stavovi (1), (3) i (6) Zakona o javnim nabavkama BiH („Službeni glasnik BiH“ broj: 39/14, 59/22 i 50/24), člana 31. stav 1. Zakona o sudovima u Federaciji BiH („Službene novine F BiH“, broj 38/05, 22/06, 63/10, 72/10, 7/13, 52/14 i 85/21) i Zapisnika o pregledu i ocjeni ponuda sa preporukom Komisije o izboru najpovoljnijeg ponuđača, broj: 126-0-Su-26-000038 od 23.03.2026. godine, imenovane Odlukom o imenovanju Komisije za provođenje postupka javne nabavke, broj: 126-0-Su-26-000038 od 12.01.2026. godine i Odlukom o izmjeni Odluke o imenovanju Komisije za provođenje postupka javne nabavke, broj: 126-0-Su-26-000038-4 od 23.01.2026. godine, vršilac dužnosti predsjednika Općinskog suda u Lukavcu donosi:

ODLUKU
o izboru najpovoljnijeg ponuđača

I

Prihvata se preporuka Komisije za provođenje postupka javne nabavke, broj: 126-0-Su-26-000038 od 23.03.2026. godine, te se Ugovor za javnu nabavku Izvođenja radova na izgradnji objekta Općinskog suda u Lukavcu (nabavka robe i materijala sa ugradnjom neophodnom za završetak radova), dodjeljuje ponuđaču Tehnograd-company d.o.o. Tuzla, ul. Fra Grge Martića 8, 75000 Tuzla, za ponudenu ukupnu vrijednost nakon održane e-aukcije od 5.774.438,97 KM bez PDV-a kao najpovoljnijem ponuđaču.

II

Ukoliko izabrani ponuđač nije dostavio dokaze o ispunjavanju kvalifikacijskih uslova prije prijema ove odluke, isti ih je dužan dostaviti na način i u roku navedenim u tenderskoj dokumentaciji.

III

Ova Odluka stupa na snagu danom donošenja i ista će se istovremeno objaviti na web-stranici Ugovornog organa i uputiti ponuđačima koji su učestvovali u postupku javne nabavke.

O b r a z l o ž e n j e

Postupak predmetne nabavke pokrenut je Odlukom o pokretanju postupka javne nabavke broj: 126-0-Su-26-000038-3 od 12.01.2026. godine. Javna nabavka provedena je putem otvorenog postupka. Obavještenje o nabavci broj: 368-1-3-11-3-1/26 od 16.01.2026. godine je objavljeno na Portalu javnih nabavki. Sažetak obavještenja objavljen je u Službenom glasniku BiH broj: 5/2026 dana 23.01.2026. godine. Procijenjena vrijednost predmetne javne nabavke bez PDV-a je 5.800.000,00 KM.

Postupak predmetne javne nabavke je provela Komisija za javnu nabavku imenovana Odlukom o imenovanju Komisije za provođenje postupka javne nabavke, broj: 126-0-Su-26-000038 od 12.01.2026. godine i Odlukom o izmjeni Odluke o imenovanju Komisije za provođenje postupka javne nabavke broj: 126-0-Su-26-000038-4 od 23.01.2026. godine.

Komisija za provođenje postupka javne nabavke izvršila je pregled i ocjenu ponuda te vršiocu dužnosti predsjednika Općinskog suda u Lukavcu dostavila Zapisnik o pregledu i ocjeni ponuda sa preporukom Komisije o izboru najpovoljnijeg ponuđača od 23.03.2026. godine i Izvještaj o radu Komisije od 23.03.2026. godine.

Iz Zapisnika Komisije o pregledu i ocjeni ponuda proizilazi da je u predmetnom postupku javne nabavke ponude dostavilo šest (6) ponuđača, te da nije bilo neblagovremeno zaprimljenih ponuda.

Ponude ponuđača Tehnograd Company d.o.o. Tuzla, Baumax d.o.o. Srebrenik (predstavnik ponuđača) i Konzorcij: Elektocentar petek d.o.o. Tuzla (lider konzorcija) su kvalifikovane i prihvatljive, odnosno dostavljeni su svi traženi dokazi propisani tenderskom dokumentacijom, na propisan način.

Komisija je odbacila ponudu ponuđača Džena d.o.o. Gradačac zbog sljedećih razloga:

- Na strani 168 Ponude u dijelu spiska izvršenih ugovora dostavljena je potvrda o izvršenom ugovoru koju je izdao UNDP od 29.10.2025. godine, a koja je na engleskom jeziku bez dostave zvaničnog prevoda na službeni jezik kako je to propisano tačkom 4.3. tenderske dokumentacije.
Zbir svih ostalih dostavljenih potvrda o izvršenom ugovoru ne zadovoljava minimum ukupne ugovorene vrijednosti, tražene tačkom 3.5.2. tenderske dokumentacije,
- Na stranama od 155 do 160 Ponude dostavljena je kopija Aktuelnog izvoda iz sudskog registra od 24.11.2025. godine, a tenderskom dokumentacijom je određeno da se rješenje o upisu u sudski registar dostavlja kao original ili ovjerena foto kopija originala kod nadležnog organa, tačka 3.3.2. tenderske dokumentacije.
- U dijelu Tehničke dokumentacije ponude i to D.2. Predmjer radova i predračun – toplinska podstanica ponuđač nije naveo jedinične cijene po stavkama od tačke 1.1. do tačke 1.23., na strani 125 i 126 ponude, a tačkom 2.3: tenderske dokumentacije propisano je da predmjer radova sadrži više stavki te da je ponuđač dužan dati ponudu za sve stavke u suprotnom će se ponuda odbaciti.
- Tačkom 2.4.5. tenderske dokumentacije određeno je da je ponuđač dužan iskazati jasne jedinične cijene i ukupan iznos ponude u skladu sa Tehničkom specifikacijom sa predmjerom radova koja je sastavni dio obrasca za cijenu ponude (Aneks 3).

Ponude ponuđača Baupartner d.o.o. Lukavac i Tehnograd d.o.o. za građevinarstvo i inženjering Tuzla Komisija je odbacila zbog sljedećih razloga:

- U dijelu Tehničke dokumentacije ponude i to D.2. Predmjer radova i predračun – toplinska podstanica ponuđač nije naveo jedinične cijene po stavkama od tačke 1.1. do tačke 1.23., na strani 123 i 124 ponude, a tačkom 2.3. tenderske dokumentacije propisano je da predmjer radova sadrži više stavki te da je ponuđač dužan dati ponudu za sve stavke u suprotnom će se ponuda odbaciti.
- Tačkom 2.4.5. tenderske dokumentacije određeno je da je ponuđač dužan iskazati jasne jedinične cijene i ukupan iznos ponude u skladu sa Tehničkom specifikacijom sa predmjerom radova koja je sastavni dio obrasca za cijenu ponude (Aneks 3).

Prilikom pregleda ponuda Komisija je uočila računске greške kod ponuđača Baumax d.o.o. Srebrenik, Elektrocentar Petek d.o.o. Tuzla i Tehnograd-company d.o.o. Tuzla. Komisija je pismenim putem od ponuđača zatražila saglasnost za ispravku računске greške, zahtjevima od 27.02.2026. godine, u roku tri dana od dana prijema zahtjeva. Ponuđači su u ostavljenom roku dostavili saglasnosti za ispravku računске greške i to: Baumax d.o.o. Srebrenik dana 09.03.2026. godine, Elektrocentar Petek d.o.o. Tuzla dana 06.03.2026. godine i Tehnograd-company d.o.o. Tuzla dana 06.03.2026. godine.

U predmetnom postupku zakazana je e-aukcija dana 16.03.2026. godine sa početkom u 10:00 sati, u skladu sa Pravilnikom o uslovima korištenja e-aukcije („Službeni glasnik BiH“, broj: 80/23). Ponuđači Tehnograd Company d.o.o. Tuzla, Baumax d.o.o. Srebrenik (predstavnik ponuđača) i Konzorcij: Elektocentar petek d.o.o. Tuzla (lider konzorcija) su kvalifikovani učesnici u postupku e-aukcije te je nakon provedenog postupka e-aukcije prvorangirani ponuđač Tehnograd Company d.o.o. Tuzla sa ponudom od 5.774.438,97 KM bez PDV-a. Izvještaj o provedenoj e-aukciji broj: 368-1-3-11/26 od 16.03.2026. godine u prilogu je Zapisnika i sastavni je dio istog.

Imajući u vidu naprijed navedeno, odlučeno je kao u dispozitivu ove Odluke.

Ova Odluka stupa na snagu danom donošenja i ista će se istovremeno objaviti na web-stranici Ugovornog organa i uputiti ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama BiH („Službeni glasnik BiH”, broj: 39/14, 59/22 i 50/24).

POUKA O PRAVNOM LIJEKU:

Protiv ove Odluke svaki od ponuđača koji je učestvovao u postupku nabavke može izjaviti žalbu u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem Ugovornog organa, u pisanoj formi direktno, elektronskim putem ili preporučenom poštanskom pošiljkom na adresu Ugovornog organa-Općinski sud u Lukavcu, ul. Skendera Kulenovića bb, 75300 Lukavac. Žalba se podnosi u najmanje tri (3) primjerka.



DOSTAVITI:

1. Tehnograd-company d.o.o. Tuzla,
ul. Fra Grge Martića 8, 75000 Tuzla,
2. Baumax d.o.o. Srebrenik (predstavnik ponuđača),
21. Srebreničke brigade bb, 75350 Srebrenik,
3. Konzorcij: Elektrocentar Petek d.o.o. Tuzla (lider konzorcija),
Ljepunice bb, 75000 Tuzla,
4. Džena d.o.o. za građevinarstvo i turizam Gradačac,
ul. Hasana Kikića br. 6, 76250 Gradačac,
5. Tehnograd d.o.o. za građevinarstvo i inženjering Tuzla,
ul. Turalibegova 48, 75000 Tuzla,
6. Baupartner d.o.o. Lukavac,
ul. Termoelektrana bb, 75300 Lukavac,
7. Na web stranicu Općinskog suda u Lukavcu,
8. A/A.